

# Atvinnumálanefnd

Pannig lagt  
fyrir Bæjarstjórn 29.06.2006.

## Stjórnskipuleg staða

Atvinnumálanefnd heyrir beint undir bæjarstjórn. **Bæjarstjóri** starfar með nefndinni eftir því sem tilefni eru til

Nefndin starfar á **almennu sviði**, sem er undir stjórn bæjarstjóra.

## Skipan nefndarinnar

Í atvinnumálanefnd eiga sæti **fimm fulltrúar**, sem bæjarstjórn kýr til fjögurra ára, að afloknum sveitarstjórnarkosningum skv. ákvæðum **sveitarstjórnarlaga, og samþykktar um stjórn og fundarsköp Stykkishólmsbæjar**. Á sama hátt eru kjörnir fimm fulltrúar til vara. Auk kjörinna fulltrúa á **bæjarstjóri** rétt á að sitja fundi ráðsins með málfrelsi og tillögurétt.

Nefndin kýs formann, hafi hann ekki verið skipaður af bæjarstjórn og ritara nefndarinnar á fyrsta fundi sínum.

## Hlutverk

Hlutverk nefndarinnar er:

- að vera bæjarstjórn til ráðgjafar í atvinnumálum bæjarfélagsins,
- að gera tillögur til bæjarstjórnar um markmið í þeim málum sem undir hana heyra,
- að hafa eftirlit með því að samþykkt markmið bæjarstjórnar í þessum málaflokkum nái fram að ganga,
- að starfa með bæjarstjóra að atvinnumálum.
- að gera tillögur um úrbætur á því sviði sem undir hana heyrir.

Atvinnumálanefnd gerir tillögur til bæjarstjórnar um fjárhagsáætlun vegna þeirra stofnana sem tilheyra verksviði nefndarinnar og í atvinnumálum almennt.

## Starfshættir

Um starfshætti nefnda er sérstaklega getið í IV. kafla **samþykktar um stjórn og fundarsköp Stykkishólmsbæjar** og skal þeim fylgt eftir því sem við á.

Atvinnumálanefnd kemur saman fyrir **luktum dyrum á fastákveðnum fundartíma**, að minnsta kosti annan hvern mánuð. Skal nefndin gera samþykkt um þennan fundartíma á sínum fyrsta fundi að höfðu samráði við bæjarstjóra.

Nefndin skal halda **gerðarbók**. Kjörinn eða ráðinn ritari færir fundargerð í gerðabókina. Í gerðabók skal skrá **hvar og hvenær** fundur er haldinn, **hverjir** sitja hann og **hvenær honum lýkur**. Skrá skal **einstök mál**, sem tekin eru fyrir á fundinum, **hvenær þau komu til, nöfn hlutaðeigandi, meginefni og afgreiðslu ráðsins**. Í lok fundar skal ritari **lesa fundargerðina** upp og allir viðstaddir **undirrita hana**. Fundargerðum kemur formaður nefndarinnar til ritara sem hefur umsjón með frágangi og ritvinnslu fundargerðarinnar og leggur hana fram með dagskrá næsta bæjarstjórnarfundar. Ritari sendir fundarmönnum afrit af fundargerð nefndarinnar ásamt afgreiðslu bæjarstjórnar. Nú kunna að vera til umræðu mál sem eðli samkvæmt skulu fara leynt og skal þá formaður gera grein fyrir því við ritara (*Trúnaðarbók*)?

Nefndarformaður sér um boðun funda í samráði við ritara. Fundarboðun skal vera **skrifleg og tilgreina fundarstað, tíma og dagskrá**. Fundarboð skal sent nefndarmönnum og öðrum sem seturétt hafa á fundum eigi síðar en **tveimur sólarhringum fyrir fund**.

Nefndarformaður stýrir fundum nefndarinnar skv. ákvæðum IV. kafla samþykktar um stjórn og fundarsköp Stykkishólmsbæjar.

Fundur telst ályktunarhæfur **ef meirihluti nefndarinnar er mættur** á fund. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla að jöfnu með og á móti.

## Eftirfylgni

Nefndarformaður og aðrir nefndarmenn skulu **snúa sér til bæjarstjóra** með eftirfylgni staðfesta samþykktu nefndarinnar.

## Réttindi og skyldur nefndarmanna

Um réttindi og skyldur nefndarmanna gilda ákvæði *sveitarstjórnarlaga og samþykktir um stjórn og fundarsköp Stykkishólmsbæjar*.

Nefndarmanni er skylt að **sækja fundi** nema lögmæt forföll hamli. Skal hann boða staðgengil sinn og láta formann nefndarinnar vita um forföll með góðum fyrirvara.

Hver nefndarmaður á rétt á að **koma máli á dagskrá fundar**, enda skilar hann efni þess til nefndarformanns og/eða ritara a.m.k. þremur sólarhringum fyrir fund.

Fundarmenn skulu **hafa hag bæjarins að leiðarljósi** við nefndarstörf sín en eru ekki bundnir af öðru en sannfæringu sinni, lögum og *samþykktum um stjórn og fundarsköp Stykkishólmsbæjar*.

Fundarmenn eru bundnir **pagnarskyldu** vegna mála, sem þeir fá vitneskju um í starfi sínu fyrir nefndina og ætla má að eigi leynt að fara skv. eðli máls, lögum eða samþykkt 2/3 nefndarmanna, hvort sem þau vara einka- eða almannahagsmuni.

Nefndarmaður skal **víkja af fundi við umræður og afgreiðslu mála sem varða hann sjálfan**, skyldmenni hans eða nánustu venslamenn svo mjög að ætla má að það móti viljaafstöðu hans að einhverju leyti. Honum er þó heimilt að gera stuttlega grein fyrir afstöðu sinni áður en hann víkur af fundi.

## **Lög og reglugerðir**

Í störfum sínum skal nefndin taka mið af þeim ***lögum og reglugerðum***, sem um starfssvið hennar heyrir. Þá skal nefndin fylgja ***samþykkt um stjórn og fundarsköp Stykkishólmsbæjar***.